

# PWYLLGOR PENODIADAU

## Cofnodion y cyfarfod rhithiol a gynhaliwyd ar 17 Chwefror, 2021

- YN BRESENNOL:** Cynghorydd Ieuan Williams (Cadeirydd)  
Cynghorydd Bob Parry OBE FRAGS (Is-Gadeirydd)
- Y Cynghorwyr R Dew, Glyn Haynes, T LI Hughes MBE, K P Hughes, Vaughan Hughes, A M Jones a R Meirion Jones
- WRTH LAW:** Prif Weithredwr,  
Pennaeth Proffesiwn (Adnoddau Dynol) a Thrawsnewid,  
Rheolwr Adnoddau Dynol (CW),  
Swyddog Pwyllgor (MEH).
- YMDDIHEURIADAU:** Y Cynghorwyr Llinos Medi Huws

**HEFYD YN BRESENNOL** Neb

---

### 1 DATGANIAD O DDIDDORDEB

Ni dderbyniwyd unrhyw ddatganiadau o ddiddordeb.

### 2 COFNODION

Cyflwynwyd cofnodion y cyfarfodydd canlynol ar gyfer eu cadarnhau:-

- Cadarnhawyd cofnodion diwygiedig y cyfarfod a gynhaliwyd ar 18 Rhagfyr, 2020.
- Cadarnhawyd cofnodion y cyfarfod a gynhaliwyd ar 7 Ionawr, 2021 yn amodol ar y canlynol:-

Holodd y Cynghorydd K P Hughes am ganlyniad ei ymholiad mewn perthynas â chofnodion. Ymatebodd y Cadeirydd gan nodi ei fod wedi trafod y mater â'r Prif Weithredwr, y Pennaeth Gwasanaethau Democraidd a'r Rheolwr Gwasanaethau Cyfreithiol a'i fod wedi'i gynghori y dylai'r Pwyllgor drafod y materion sydd ar yr Agenda a bod cofnodion yn adlewyrchu'r gweithredoedd sy'n codi.

Roedd y Cynghorydd Aled M Jones yn ystyried y dylid hefyd cofnodi'r materion mwyaf sylweddol.

Nododd y Cynghorydd T LI Hughes MBE, os oes gan unrhyw Aelod o'r Pwyllgor unrhyw bryderon mewn perthynas â'r cofnodion y dylent gysylltu â'r Cadeirydd yn y lle cyntaf er mwyn mynegi unrhyw bryderon o'r fath a hynny cyn cyfarfod nesaf y Pwyllgor.

Cynigiodd y Cynghorydd Richard A Dew fod y cofnodion yn gofnod cywir ac eiliwyd hynny gan y Cynghorydd Bob Parry OBE FRAGS.

Cadarnhaodd Cadeirydd y Pwyllgor drwy bleidlais mwyafrif y Pwyllgor fod y cofnodion yn gofnod cywir.

Nododd y Cynghorydd Aled M Jones a K P Hughes nad oeddent yn cytuno â barn y mwyafrif mewn perthynas â'r cofnodion.

### **3 CAU ALLAN Y WASG A'R CYHOEDD**

#### **PENDERFYNWYD:-**

**“O dan Adran 100 (A) (4) Deddf Llywodraeth Leol 1972, cau allan y wasg a'r cyhoedd o'r cyfarfod yn ystod y drafodaeth ar yr eitem a ganlyn oherwydd y tebygolrwydd y caiff gwybodaeth ei rhyddhau a honno'n wybodaeth y gwneir eithriad ohoni yn Atodlen 12A y Ddeddf honno ac yn y Prawf Budd y Cyhoedd sydd ynghlwm.”**

### **4 APWYNTIO STAFF**

#### **Cyfarwyddwr Gwasanaethau Cymdeithasol**

Adroddodd y Prif Weithredwr, yn unol ag Argymhelliad y Pwyllgor Penodiadau a gynhaliwyd ar 7 Ionawr, 2021, yr hysbysebwyd y swydd hon ar sail barhaol.

Adroddodd y Prif Weithredwr, o ganlyniad i ddadansoddiad rhestr fer annibynnol, ei fod yn cael ei argymhell bod cam nesaf y broses recriwtio yn mynd rhagddo a bod rhestr fer yn cael ei llunio. Cafodd ei argymhell i'r Pwyllgor Penodiadau y dylid dilyn yr un broses a gafodd ei dilyn â nifer o benodiadau eraill diweddar sef proses tri cham o:-

- Gynnal cyfweiliad proffesiynol rhwng y Prif Weithredwr, y Dirprwy Brif Weithredwr a'r Pennaeth Proffesiwn Adnoddau Dynol.
- Cyfweiliad allanol gyda Gatenby Sanderson yn seiliedig ar broses brofi seicometrig
- Cyfweiliad Pwyllgor Penodiadau er mwyn gallu gwneud dewis yn dilyn rhoi ystyriaeth i adroddiad llafar ar y cyfweiliad proffesiynol a'r broses brofi seicometrig.

**PENDERFYNWYD yn unfrydol i gefnogi argymhelliad y Prif Weithredwr mewn perthynas â'r rhestr fer ac i ddilyn y broses tri cham fel y nodwyd yn yr adroddiad i'r Pwyllgor mewn perthynas â'r mater.**

**Y CYNGHORYDD IEUAN WILLIAMS  
CADEIRYDD**